

Na osnovu člana 27. stav (1) tačka d) Zakona o osnivanju kompanije za prenos električne energije u Bosni i Hercegovini, ("Službeni glasnik BiH" broj: 35/04, 76/09, 20/14), člana 64, 65. i 66. Statuta "Elektroprenos – Elektroprijenos BiH" a.d. Banja Luka ("Službeni glasnik BiH" broj: 86/05, 103/06, 60/14, 24/15, 76/15 i 55/17) i Odluke broj: UO-12-8/2024 od 23.02.2024. godine, Upravni odbor "Elektroprenos – Elektroprijenos BiH" a.d. Banja Luka r a s p i s u j e

JAVNI KONKURS
za izbor i imenovanje članova Uprave "Elektroprenos – Elektroprijenos BiH" a.d. Banja
Luka - izvršnih direktora
na mandatni period od 4 godine

- 1. Izvršni direktor za rad i održavanje sistema**
- 2. Izvršni direktor za planiranje sistema i inženjering**
- 3. Izvršni direktor za finansije**
- 4. Izvršni direktor za kadrovske poslove**
- 5. Izvršni direktor za pravne poslove**

Opšti uslovi :

- a) da je državljanin Bosne i Hercegovine;
- b) da je stariji od 18 godina;
- c) da ima manje od 65 godina u trenutku imenovanja;
- d) da nije osuđivan za krivično djelo i privredni prestop nespojiv s funkcijom lica na višoj rukovodnoj poziciji u Kompaniji, u periodu od posljednjih 5 (pet) godina od dana pravosnažnosti presude, isključujući vrijeme zatvorske kazne, te da se protiv njega ili nje ne vodi postupak;
- e) da nije otpušten iz državne službe u institucijama Bosne i Hercegovine, odnosno entiteta, kao rezultat disciplinske mjere u periodu tri godine prije dana objavljivanja ovog konkursa;
- f) da se na njega ili nju ne odnosi član IX (1) Ustava Bosne i Hercegovine;
- g) da mu nije zakonom zabranjeno obavljanje drugih dužnosti;
- h) da ne postoji interes u drugoj kompaniji koji bi mogao dovesti do otvorenog sukoba interesa.

Posebni uslovi:

- 1. Izvršni direktor za rad i održavanje sistema;**
- 2. Izvršni direktor za planiranje sistema i inženjering;**
 - a) visoka stručna sprema, diploma elektrotehničkog fakulteta ili odgovarajuće kvalifikacije;
 - b) minimalno 5 godina radnog iskustva u poslovima upravljanja;
 - c) značajno iskustvo i stručnost u područjima prenosa električne energije, upravljanja i rada sistema, njegove ekonomije i razvoja uz dobro poznavanje i razumijevanje EU i regionalnih tržišnih kretanja i inicijativa.
- 3. Izvršni direktor za finansije;**
- 4. Izvršni direktor za kadrovske poslove;**
- 5. Izvršni direktor za pravne poslove;**
 - a) visoka stručna sprema, diploma ekonomskog, pravnog ili nekog drugog fakulteta društvenih nauka ili odgovarajuće kvalifikacije;
 - b) minimalno 5 godina radnog iskustva u poslovima upravljanja;
 - c) značajno iskustvo i stručnost u područjima finansijskog menadžmenta, revizije, administracije, pravnih i kadrovskih poslova u javnom i/ili privatnom sektoru, i dobro poznavanje reforme energetskeg sektora u BiH.

Prilikom procjene kvalifikacija, iskustava i vještina svih kandidata, uzeće se u obzir i poznavanje engleskog jezika u govoru i pismu, kao i poznavanje rada na računaru, kao i šire poznavanje IT tehnologije.

Uz potpisanu prijavu na Konkurs, kandidati su dužni dostaviti dokaze o ispunjavanju opštih i posebnih uslova:

- biografiju – sa adresom stanovanja i kontakt telefonom;
 - uvjerenje o državljanstvu, ne starije od šest mjeseci;
 - izvod iz matične knjige rođenih;
 - diplomu;
 - uvjerenje o radnom iskustvu u trajanju od najmanje 5 godina na poslovima upravljanja;
 - uvjerenje da nije osuđivan za krivično djelo i privredni prestup nespojiv s funkcijom lica na višoj rukovodnoj poziciji u Kompaniji, u periodu od posljednjih 5 (pet) godina od dana pravosnažnosti presude, isključujući vrijeme zatvorske kazne, ne starije od 3 mjeseca;
 - uvjerenje da se protiv njega ne vodi krivični postupak, ne starije od 3 mjeseca;
- ovjerena izjava:
- da nije otpušten iz državne službe u institucijama Bosne i Hercegovine, odnosno entiteta, kao rezultat disciplinske mjere u periodu tri godine prije dana objavljivanja ovog konkursa;
 - da se na njega ne odnosi član IX (1) Ustava Bosne i Hercegovine;
 - da mu nije zakonom zabranjeno obavljanje drugih dužnosti;
 - da ne postoji interes u drugoj kompaniji koji bi mogao dovesti do otvorenog sukoba interesa;
 - da posjeduje značajno iskustvo i stručnosti u područjima prenosa električne energije, upravljanja i rada sistema, njegove ekonomije i razvoja uz dobro poznavanje i razumijevanje EU i regionalnih tržišnih kretanja i inicijativa (za pozicije pod 1. i 2.),
 - da posjeduje značajno iskustvo i stručnosti u područjima finansijskog menadžmenta, revizije, administracije, pravnih i kadrovskih poslova u javnom i/ili privatnom sektoru, i dobro poznavanje reforme energetskog sektora u BiH (za pozicije pod 3. 4. i 5.)

Svi dokumenti koji služe kao dokaz o ispunjavanju uslova, dostavljaju se u originalu ili kao ovjerena kopija.

Kandidati koji se prijavljuju na više pozicija, podnose prijavu na svaku poziciju pojedinačno i uz svaku prijavu dostavljaju traženu dokumentaciju.

Sa svim kandidatima koji ispunjavaju uslove Konkursa, obaviće se intervju, o čijem vremenu i mjestu održavanja će biti blagovremeno obaviješteni.

Javni Konkurs će se objaviti u "Službenom glasniku BiH", "Službenom glasniku Brčko Distrikta" u dnevnim listovima "Glas Srpske" Banja Luka, "Oslobođenje" Sarajevo i "Večernji list" Mostar i na web stranici "Elektroprenos - Elektroprijenos BiH" www.elprenos.ba.

Rok za dostavljanje prijave je 15 dana od dana objavljivanja.

Ako Konkurs ne bude istovremeno objavljen, rok će se računati od dana posljednjeg objavljivanja.

Nepotpune, neblagovremene i neuredne, prijave neće se uzeti u razmatranje.

Prijavu slati preporučeno na adresu: "Elektroprenos – Elektroprijenos BiH" a.d. Banja Luka, ul. Marije Bursać br. 7a, 78 000 Banja Luka, sa naznakom:

"PRIJAVA NA KONKURS ZA ČLANOVE UPRAVE "ELEKTROPRENOS–ELEKTROPRIJENOS BIH" A.D. BANJA LUKA - IZVRŠNE DIREKTORE - NE OTVARATI".